




Republika e Kosovës
Republika Kosova - Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 07.08.2020

Ref.: 1167/20D

Në mbështetje të nenit 4, dhe 23, të Ligjit për Administratën Shtetërore të Republikës së Kosovës (nr.03/L-189, datë 16.09.2010), Ligjit për Procedurën e Përgjithshëm Administrative (nr. 05/L-31, datë 25 maj 2016), neni 7, dhe neni 15 të Ligjit për Arsimin e Lartë në Republikën e Kosovës (Nr. 04/L-037, datë 29.08.2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Këshilli Shtetërorë i Cilësisë (KSHC), në mbledhjen e 80-të, të mbajtur më 01 prill 2020, mori:

V E N D I M

- I. Refuzohet kërkesa e Kolegjit AUK, (Nr.2099/19H, datë 30.10.2019) për akreditim të programit të studimit si më poshtë:
 - Informatikë dhe Teknologjitë Informative, BSc, 240 ECTS
- II. Ky vendim hyn në fuqi me nënshkrimin e tij.

Arsyetimi

Kolegjit AUK ka parashtruar kërkesë (Nr.2099/19H, datë 30.10.2019) në Agjencinë e Kosovës për Akreditim për akreditim të programit të studimit *Informatikë dhe Teknologjitë Informative, BSc, 240 ECTS*.

Bazuar në nenin 10 të Udhëzimit Administrativ për Akreditimin e Institucioneve të Arsimit të Lartë, Nr. 15/2018, datë 28.09.2018, (tash e tutje UA për Akreditim), KShC në mbledhjen e mbajtur me 01 prill 2019 ka trajtuar aplikacionin e Kolegjit AUK. Në pikën 1.2 të nenit 10 të UA për Akreditim, thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike se bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së".

Mbi këtë bazë, KShC erdhi në përfundim se programi i studimit të Kolegjit AUK *Informatikë dhe Teknologjitë Informative, BSc, 240 ECTS*, nuk i plotëson kushtet ligjore për aprovim të aplikacionit.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Bazuar në nenin e referuar më sipër KShC ka verifikuar te gjithë dokumentacionin relevant të kualifikimit të stafit akademik për programet e studimit. Këto te dhëna janë prezantuar në mbledhjen e KShC-së të mbajtur 07 prill 2020, dhe pas shqyrtimit të dosjes për secilin staf akademik, KShC mori vendim që të refuzoj aprovimin e aplikacioneve të Kolegjit AUK, sipas pikës një të dispozitivit të këtij vendimi.

1. Për programin e studimit: *Informatikë dhe Teknologjitë Informative, BSc, 240 ECTS*, Kolegji AUK ka paraparë këta person si bartës të këtij programi të studimit: Kamal Shahrabi, Mimoza Polloshka, Edmond Muhaxheri, Charlie Border dhe Erik Golen.

Sipas nenin 26, pika 5.3.4 e Udhëzimit Administrativ për Akreditim (15/2018, datë 28.09.2018), Institucionet e Arsimit të Lartë: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë për çdo grup të studentëve (të përcaktuar sipas statuti të IAL) dhe për çdo 60 ECTS kredi të programit studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimit”.*

Ky program ka 240 ECTS, dhe rrjedhimisht sipas nenit 26, pika 5.3.4 e Udhëzimit Administrativ për Akreditim, për këtë program të studimit Kolegji AUK, duhet te ketë te paktën katër staf akademik me gradën shkencore *PhD* me marrëdhënie të rregullt të punës nga fusha e programit të studimit.

Sipas nenit 30 të Udhëzimit Administrativ për Akreditim, *“IAL-të, duhet të dorëzojnë deklaratat e stafit akademik të angazhuar jo me larg se data 31 tetor”*, pra Kolegji AUK ka qen i detyruar që te deklaroj stafin akademik me se largu deri me 31 tetor 2019

Pas verifikimit të dokumentacionit të stafit akademik të prezantuar nga Kolegji AUK për këtë program të studimit, u konstatua që katër nga pesë bartësit e programit te prezantuar në këtë program të studimit, nuk i plotësojnë kriteret për të qenë bartës të programit. Në dokumentacionin që kolegji e ka dorëzuar për Kamal Shahrabi dhe Edmond Muhaxheri mungojnë nostrifikimet përkatëse, kurse për Charlie Border dhe Erik Golen nuk janë dorëzuar dokumente përcjellëse.

Andaj bazuar në faktet e prezantuara me sipër dhe dispozitat ligjore te sqaruara me lartë, dhe bazuar në nenit 26, pika 5.3.4 e Udhëzimit Administrativ për Akreditim, KShC erdhi në përfundim që ky program i studimit nuk i plotëson kushtet ligjore për aprovim, dhe mbi këtë bazë, vendosi ta refuzoj aprovimin e aplikacionit për programin e studimit, *Informatikë dhe Teknologjitë Informative, BSc, 240 ECTS*.

Këshillë juridike: Kundër këtij vendimi pala e pakënaqur mund të paraqitet ankesë sipas nenit 125 dhe 126, të Ligjit për Procedurën e Përgjithshëm Administrative (Nr. 05/L-31, datë 25 maj 2016). Ankesa kundër këtij akti administrativ i dorëzohet organit i cili e ka nxjerr këtë vendim bazuar në nenit 128 të LPPA, në afatin prej 30 nga dita kur pala është njoftuar për aktin administrativ sipas nenit 127 të LPPA.

Vendimi iu dërgohet:

- BPrAL Kolegji "AUK";
- MASHT-it;
- Arkivit të AKA-së.


Prof. Dr. Gazmend Luboten
Kryetar i Këshillit Shtetëror të Kosovës